



XALQ DEPUTATLARI FARG‘ONA VILOYATI KENGASHI Q A R O R I

150100, Farg‘ona sh., Alisher Navoiy k., 15-uy, tel: (73) 244-07-35, e-mail: info@ferghana.uz, www.ferghana.uz

2024 - yil 16 - yanvar

VI-63-2-11-0-K/24

Farg‘ona viloyati hokimligi

Viloyatdagi issiqlik bilan ta’minlovchi korxonalar tomonidan ko’rsatiladigan issiqlik ta’minoti xizmatlari uchun tartibga solinadigan narxlar (tariflar)ni ko’rib chiqish va ma’qullash haqida

O‘zbekiston Respublikasi Vazirlar Mahkamasining 2023 yil 15 sentyabrdagi “Yoqilg‘i-energetika sohasida bozor mexanizmlarini joriy etishning qo‘shimcha chora-tadbirlari to‘g‘risida”gi 475-sonli qarori bilan, Qoraqalpog‘iston Respublikasi Vazirlar Kengashi, viloyatlar va Toshkent shahri hokimliklariga issiqlik ta’minoti, suv ta’minoti va oqova suv xizmatlariga, shahar yo‘lovchilar tashish transportida (bundan yo‘nalishli va yo‘nalishsiz taksilar mustasno) yo‘lovchilar tashish xizmatlariga yangi tariflarni belgilash tavsiya etilgan.

Shuningdek, O‘zbekiston Respublikasining “2023 yil uchun O‘zbekiston Respublikasining davlat byudjeti to‘g‘risida”gi Qonuni bilan, hududlardagi barcha issiqlik bilan ta’minlovchi korxonalar tomonidan ko’rsatiladigan issiqlik ta’minoti xizmatlari uchun tartibga solinadigan narxlar (tariflar) O‘zbekiston Respublikasi Monopoliyaga qarshi kurashish qo‘mitasi hududiy organlarining xulosalariga ko‘ra, tegishincha Qoraqalpog‘iston Respublikasi Jo‘qorg‘i Kengesining, xalq deputatlari viloyatlar va Toshkent shahar Kengashlarining qarorlari bilan ma’qullanganidan keyin Qoraqalpog‘iston Respublikasi Vazirlar Kengashi raisi, viloyatlar va Toshkent shahar hokimlari tomonidan tasdiqlanishi belgilangan.

Bundan tashqari, O‘zbekiston Respublikasi Iqtisodiyot va moliya vazirligining 2023 yil 01 noyabrdagi 07/36-2-5281-sonli xatiga ko‘ra O‘zbekiston Respublikasi Vazirlar Mahkamasining 2023 yil 15 sentyabrdagi 475-sonli qarori ijrosini sifatli bajarilishini ta’minlash hamda issiqlik ta’minoti korxonalarining zarar bilan faoliyat yuritishlarining oldini olish maqsadida belgilangan tartibda

issiqlik ta'minoti xizmatlari uchun tariflarni (aholi uchun narxlarni oshirmagan holda) tegishli tashkilot va idoralar bilan birgalikda qayta ko'rib chiqilishi tavsiya etilgan.

Shunga ko'ra, Farg'ona shahar "Qirguli issiqlik manbai" MCHJ (keyingi o'rinlarda - Jamiyat) 2023 yil 12 dekabrda 456-sonli hamda viloyat "Issiqlik manbai" ishlab chiqarish davlat boshqarmasi (keyingi o'rinlarda – Korxona) 2023 yil 19 dekabrda 616/1-sonli xatlar orqali murojaat qilib, ko'rsatiladigan issiqlik ta'minoti xizmatlari uchun tartibga solinadigan narxlar (tariflar) ko'rib chiqish va ma'qullash masalasini xalq deputatlari viloyat Kengashi sessiyasi kun tartibiga kiritilishini so'ragan.

Farg'ona shahar "Qirguli issiqlik manbai" MCHJ bo'yicha:

"Issiqlik elektr stansiyalari" AJ Farg'ona issiqlik elektr markazi filiali 2023 yil 30 oktyabrda 01-10/1100-sonli xat bilan Jamiyatga murojaat qilib, O'zbekiston Respublikasi Vazirlar Mahkamasi huzuridagi Idoralararo tarif komissiyaning 2023 yil 27 oktyabrda 18-son bayonnomasining 3-ilovasiga asosan "Issiqlik elektr stansiyalari" AJ Farg'ona issiqlik elektr markazi filiali 2023 yil 14 noyabrdan issiqlik energiyasi sotish narxi 1 Gkal uchun QQS hisobga olingan holda 375 000 so'm etib belgilanganligini ma'lum qilgan.

Bu bo'yicha Iqtisodiyot va moliya bosh boshqarmasi tomonidan 2023 yil 14 dekabrda 03/09-01-18/4252-sonli xulosa xati taqdim etilib, 1 Gkal issiqlik energiyasi tarifini 416 472 so'm (QQSsiz) miqdorida belgilash maqsadga muvofiqligini ma'lum qilgan.

Shuningdek, O'zbekiston Respublikasi Raqobatni rivojlantirish va iste'molchilar huquqlarini himoya qilish Qo'mitasi viloyat hududiy boshqarmasi tomonidan 2023 yil 12 dekabrda 01-04/3484-sonli xulosa xati taqdim etilib, 1 Gkal issiklik energiyasi boshqa ulguriji iste'molchilar uchun 422 586,9 so'm (QQSsiz) tarif belgilash maqsadga muvofiqligini ma'lum qilgan.

Viloyat "Issiqlik manbai" ishlab chiqirish davlat boshqarmasi bo'yicha:

Korxona tasarrufida 431 ta ko'p kavatli uylar, 12 ta ijtimoiy soxa ob'yektlariga viloyat hududidagi kozonxonalaridan issiqlik energiyasi yetkazib berib kelinmoqda. Kelgusi yil davomida korxona 53,2 ming Gkal issiklik energiyasi ishlab chiqarish va bu jarayonda 3,8 ming Gkal yo'qotishlarni hisobga olgan holda jami 49,4 ming Gkal iste'molchilarga issiqlik energiyasi yetkazib

berish rejalashtirilgan.

Shunga ko‘ra korxona tomonidan yetkazib berilayotgan 1 gkal issiqlik energiyasi uchun 304 509,6 so‘m (QQSsiz), 341 050,76 so‘m (QQS bilan) narxlar (tariflar) belgilash taklif etilgan.

Bu bo‘yicha Iqtisodiyot va moliya bosh boshqarmasi tomonidan 2023 yil 22 dekabrda 03/09-01-18/4479-sonli xulosa xati taqdim etilib, 1 Gkal issiqlik energiyasi tarifini 290 458,9 so‘m (QQSsiz) miqdorida belgilash maqsadga muvofiqligini ma‘lum qilgan.

Shuningdek, O‘zbekiston Respublikasi Raqobatni rivojlantirish va iste‘molchilar huquqlarini himoya qilish Qo‘mitasi viloyat hududiy boshqarmasi tomonidan 2023 yil 20 dekabrda 01-04/3610-sonli xulosa xati taqdim etilib, 1 Gkal issiqlik energiyasi boshqa ulguriyi iste‘molchilar uchun 290 458,9 so‘m (QQSsiz) tarif belgilash maqsadga muvofiqligini ma‘lum qilgan.

Mazkur taklif etilayotgan narxlar (tariflar) xalq deputatlari viloyat Kengashining “Sanoat, transport, qurilish, kommunal soha va aholiga xizmat ko‘rsatish masalalari bo‘yicha” doimiy komissiyasi yig‘ilishida ko‘rib chiqilgan.

Yuqoridagilardan kelib chiqib, viloyatda issiqlik ta‘minoti xizmatlarini ko‘rsatish yo‘nalishida amalga oshirilayotgan islohotlarni izchil davom ettirish, hududlarda issiqlik ta‘minoti tizimini yaxshilash hamda kuz-qish mavsumiga tayyorgarlik ko‘rish ishlarini yanada jadallashtirish, shuningdek issiqlik ta‘minoti korxonalarining moliyaviy barqarorligini oshirish maqsadida “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 24-moddalariga muvofiq xalq deputatlari viloyat kengashi

QAROR QILADI:

1. Quyidagilar:

O‘zbekiston Respublikasining “2023 yil uchun O‘zbekiston Respublikasining davlat byudjeti to‘g‘risida”gi Qonuni bilan, hududlardagi barcha issiqlik bilan ta‘minlovchi korxonalar tomonidan ko‘rsatiladigan issiqlik ta‘minoti xizmatlari uchun tartibga solinadigan narxlar (tariflar) O‘zbekiston Respublikasi Monopoliyaga qarshi kurashish qo‘mitasi hududiy organlarining xulosalariga ko‘ra, tegishincha Qoraqalpog‘iston Respublikasi Jo‘qorg‘i Kengesining, xalq deputatlari viloyatlar va Toshkent shahar Kengashlarining qarorlari bilan ma‘qullanganidan keyin Qoraqalpog‘iston Respublikasi Vazirlar Kengashi raisi,

viloyatlar va Toshkent shahar hokimlari tomonidan tasdiqlanishi belgilanganligi;

O‘zbekiston Respublikasi Vazirlar Mahkamasining 2023 yil 15 sentyabrdagi “Yoqilg‘i-energetika sohasida bozor mexanizmlarini joriy etishning qo‘shimcha chora-tadbirlari to‘g‘risida”gi 475-sonli qarori bilan, Qoraqalpog‘iston Respublikasi Vazirlar Kengashi, viloyatlar va Toshkent shahri hokimliklariga issiqlik ta‘minoti, suv ta‘minoti va oqova suv xizmatlariga, shahar yo‘lovchilar tashish transportida (bundan yo‘nalishli va yo‘nalishsiz taksilar mustasno) yo‘lovchilar tashish xizmatlariga yangi tariflarni belgilash tavsiya etilganligi;

O‘zbekiston Respublikasi Iqtisodiyot va moliya vazirligining 2023 yil 1 noyabrdagi 07/36-2-5281-sonli xatiga ko‘ra issiqlik ta‘minoti korxonalarining zarar bilan faoliyat yuritishlarining oldini olish maqsadida belgilangan tartibda issiqlik ta‘minoti xizmatlari uchun tariflarni (aholi uchun narxlarni oshirmagan holda) tegishli tashkilot va idoralar bilan birgalikda qayta ko‘rib chiqilishi tavsiya etilganligi inobatga olinsin.

2. Quyidagilar:

Farg‘ona shahar “Qirguli issiqlik manbai” MCHJ 2023 yil 12 dekabrdagi 456-sonli;

Viloyat “Issiqlik manbai” ishlab chiqirish davlat boshqarmasining 2023 yil 19 dekabrdagi 616/1-sonli;

Iqtisodiyot va moliya bosh boshqarmasi 2023 yil 14 dekabrdagi 03/09-01-18/4252-sonli hamda 22 dekabrdagi 03/09-01-18/4479 sonli;

O‘zbekiston Respublikasi Raqobatni rivojlantirish va iste‘molchilar huquqlarini himoya qilish Qo‘mitasi viloyat hududiy boshqarmasining 2023 yil 12 dekabrdagi 01-04/3484-sonli hamda 2023 yil 20 dekabrdagi 01-04/3610-sonli xatlari inobatga olinsin.

3. Viloyatdagi issiqlik bilan ta‘minlovchi korxonalar tomonidan ko‘rsatiladigan issiqlik ta‘minoti xizmatlari uchun tartibga solinadigan narxlar (tariflar) ilovaga muvofiq ma‘qullansin.

Bunda, aholi uchun qo‘llanib kelinayotgan amaldagi narxlar (tariflar) o‘zgarishsiz qoldirilsin.

4. Belgilab qo‘yilsinki, mazkur qaror bilan ma‘qullangan narxlar (tariflar) viloyat hokimining tegishli qarori bilan tasdiqlanadi.

5. Viloyat Iqtisodiyot va moliya bosh boshqarmasi (Z.Ro‘zaliyev), O‘zbekiston Respublikasi Moliya vazirligining viloyatdagi davlat moliyaviy nazorati inspeksiyasi (S.Jo‘rayev), O‘zbekiston Respublikasi Raqobatni rivojlantirish va iste’molchilar huquqlarini himoya qilish Qo‘mitasi viloyat hududiy boshqarmasi (A.Xolmatov), Farg‘ona shahar “Qirguli issiqlik manbai” MCHJ (N.Tojiboyev) hamda viloyat “Issiqlik manbai” ishlab chiqirish davlat boshqarmasi (I.Sotvoldiyev) bilan birgalikda mazkur Kengash qarori bilan ma’qullangan narxlar (tariflar)ni *(bu bo‘yicha viloyat hokimining tegishli qarori rasman e’lon qilingandan keyin)* o‘rnatilgan tartibda qo‘llab borilishi yuzasidan nazorat tadbirlarini olib borsin.

6. Viloyat hokimligi Axborot xizmati (D.Djurayev), Axborot va ommaviy kommunikatsiyalar boshqarmasi (I.Halimbekov), Farg‘ona shahar “Qirguli issiqlik manbai” MCHJ (N.Tojiboyev) hamda viloyat “Issiqlik manbai” ishlab chiqirish davlat boshqarmasi (I.Sotvoldiyev) bilan birgalikda viloyat teleradiokompaniyasi hamda viloyatdagi boshqa ommaviy axborot vositalarida, hokimlik muassisligidagi gazetalarda *(viloyat hokimining tegishli qarori rasman e’lon qilingandan keyin ikki kundan kechikmay)* viloyatdagi issiqlik bilan ta’minlovchi korxonalar tomonidan ko‘rsatiladigan issiqlik ta’minoti xizmatlari uchun tartibga solinadigan narxlar (tariflar)ni e’lon qilinishi hamda hokimliklarning rasmiy veb-saytlariga joylashtirilishini tashkil etsin.

7. Ushbu qaror rasmiy nashrda e’lon qilingan kundan e’tiboran kuchga kiradi.

8. Ushbu qaror ijrosini nazorat qilish xalq deputatlari viloyat Kengashining “Mahalliy byudjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari bo‘yicha” hamda “Sanoat, transport, qurilish, kommunal soha va aholiga xizmat ko‘rsatish masalalari bo‘yicha” doimiy komissiyalari raislari zimmasiga yuklansin.

**Xalq deputatlari Farg'ona viloyati
Kengash raisi**



X. Bozarov

Xalq deputatlari Fargʻona viloyat Kengashining
2024-yil 16-yanvardagi
VI-63-2-11-0-K/24-son qaroriga
1-ilova

Viloyatdagi issiqlik bilan taʼminlovchi korxonalar tomonidan koʻrsatiladigan issiqlik taʼminoti xizmatlari uchun tartibga solinadigan (1 Gkall issiklik energiyasi uchun) narxlar (tariflar)

Xizmat turi	Narxlar (tariflar)		
	Aholi uchun (1 Gkall issiklik energiyasi uchun) (soʻm hisobida)	Byudjet tashkilotlari uchun (1 Gkall issiklik energiyasi uchun QQS siz) (soʻm hisobida)	Boshqa ulgurji isteʼmolchilar uchun (1 Gkall issiklik energiyasi uchun QQS siz) (soʻm hisobida)
“Fargʻona issiqlik manbai” ishlab chiqirish davlat boshqarmasi	67 760	290 458,9	290 458,9
Fargʻona shahar “Qirguli issiqlik manbai” MCHJ	78 650	416 471,9	416 471,9

Izoh: Iqtisodiyot va moliya vazirligining 2023 yil 1 noyabrdagi 07/36-2-5281-sonli xatiga asosan aholiga koʻrsatib kelinayotgan issiqlik taʼminoti xizmati narxlari (tariflari) oʻzgarishsiz qoldirilgan.